

**Aningaasarsianit akileraarutit pillugit Inatsisartut inatsisaata allannguutissaatut  
Inatsisartut inatsisaat nr. 18, 3. november 1994-imeersoq**

**§ 1**

Aningaasarsianit akileraarutit pillugit Inatsisartut inatsisaanni nr. 5-imi 19. maj 1979-imeersumi, Inatsisartulli inatsisaatigut nr. 2-kkut 3. marts 1994-imeersukkut kingullermik allanngortinnejartumi, makku allannguutigitinnejassapput:

**1. § 2, imm. 1, nr. 1-imi allassimasup "umiarsuarniluunniit"-p kingorna "silaannakkoortaatiniluunniillu"** ilanngunneqassaaq.

**2. § 2, imm. 1, nr. 1-ip** kingorna ilanngunneqassaaq:

"nr. 1 a. sulissussarsiarineqarlutik Kalaallit Nunaanni sulereerlutik qanorluunniit ittunik akissarsiaqartut, matumani unammillertigisanut paassisutissiinnginnissamik piumasaqaatinik isumaqatigiissuteqarnermi akissarsiat ilanngullugit. Tassani apeqqutaanngilaq pisinnaatitaalerneq aamma/imaluunniit akissarsiassat pineqartut amerlassusii eqqartuussutikkut, eqqartuussivimmi isumaqatigiissuteqarnikkut, saqitsattoqarnerani isumaqatigiissitsiniartarfikkut taakkuluunniit assigisaasigut pissarsiarineqarsimanersut."

**3. § 14 a-p** kingorna una ilanngunneqassaaq:

"**§ 14 b.** § 1, imm. 1, nr. 1-imi 2-milu inuit pineqartut aningaasarsiaminnik akileraarutaasussanik naatsorsuinerminni iluanaarutit pisassarisanik tunisinikkut, tamakkiissumik ilaannakortumilluunniit akiliinikkut imaluunniit makitsinikkut pissarsiarineqartutigut iluanaarutit ilanngullugit naatsorsussavaat, pisassarisat imm. 2-mi taaneqartut eqqarsaatigalugit, pissarsiarineqartut imm. 3-mi aalajangersarneqarsimasutut erniat ikinnerpaaffissaattut amerlatigisunik taakkuninngaluunniit amerlanerusunik ernialersorneqanngikkunik.

*Imm. 2.* Pisassarisanik oqarnermi pineqartut tassaapput obligationit, pappiaqqat aningaasanik nalillit (statsgældsbeviser), pappiaqqat allat aningaasanik nalillit (skatkammerbeviser) aamma suliffeqarfitt akuerineqarnerinut uppernarsaatit (virksomhedscertifikater) il.il..

*Imm. 3.* Erniat ikinnerpaaffiat Akileraartarnermi Pisortaqarfimmit nalinginnaasumik ukiup affaanut marlunnut januar-junimut aamma juli-decemberimut aalajangersarneqartassapput.

*Imm. 4.* Pisassarisat tunineqarnerisigut utertillugilluunniit akilerneqarnerisigut iluanaarutit naatsorsorneqartassapput tassaatillugit pisiarinerini akiliutigineqartut aamma tunisinermi utertillugilluunniit akiliinermi akiginneqartut nikingassutaat. Utertillugit akiliineq naafferartumik akilersuinikkut pippat iluanaarutit naatsorsorneqassapput naafferartumik akiliutigineqartunit tamanit procentinik pappiarat naleqassusiisa pisinermi akiliutigineqartunik qaangiisarnerani procentit amerlaqataannik.

*Imm. 5.* Pisassarisanit imm. 1-imi taaneqartunit iluanaarutit annaasalluunniit § 24, imm. 1, nr. 2-mi

ilaatinneqarsinnaanngillat."

**4. §§ 16 A-miit 16 D-mut atorunnaarsinneqarput.**

**5. § 25 A-mi imm. 3-tut nutaatut ilanngunneqassaaq:**

"*Imm. 3. Tamanna § 14-imi iluanaarutinut akileraaruteqataasussatut taaneqartunut aamma atuuppoq.*"

**6. § 25 B-mi imm. 1-ip kingornanut nutaatut ilanngunneqassaaq:**

"*Imm. 2. Pisassarisat § 14 b, imm. 1-imi ilaatinneqartut kingusinnerpaamik tunineqarsimasutut isigineqassapput § 1, imm. 1, nr. 1 aamma 2 naapertorlugit akileraartussaanerup taamaatinnerani.*

**7. § 25 B, imm. 2-mi matuma kingorna imm. 3-ngortumi allassimasoq "immikkoortoq 1 naapertorlugu" imaalillugu allanngortinneqassaaq "immikkoortut 1 aamma 2 naapertorlugin".**

**8. § 79-ip kingorna ilanngunneqassapput:**

**"§ 79 a.** Kinaluunniit ingerlatseqatigiiffiup aningaasaataasa ilaannik akisunaaraluni tunisoq tunisinerup nalaani ingerlatseqatigiiffiup akileraarutinut akitsuutinullu akiligassaanik akiligassarisinnaasaanilluunniit akiliinissamut akisussaavoq. Akiliinissamut akisussaatitsineq taamaallaat atortinneqarsinnaavoq ingerlatseqatigiiffik akiliisinniaralarlugu tamanna iluatsinngitsoorpat. Tunisoq ingerlatseqatigiiffiuppat il.il. nunamut maanga tamakkiisumik akileraartussaatitaangitsoq, akiliinissamut akisussaatitsineq inunnut ingerlatseqatigiiffinnulluunniit nunamut maanga tamakkiisumik akileraartussaatitaasunut toqqaannartumik tutsinneqarsinnaavoq, taakku ingerlatseqatigiiffimmut tunineqartumut aalajangiisinnaassuseqarlutik sunniuteqarnerisa annertussusiat aalajangiisuitillugu. Kinaluunniit tunisinermi inuussutissarsiutitigut siunnersuisuusimasoq aamma tunisoq kiisalu inuit ingerlatseqatigiiffiillu oqaaseqatigiit pingajuanni taaneqartut peqatigalugit akiliinissamut akisussaaqataavoq.

*Imm. 2. Tunisoq inuuppat imm. 1-imi, oqaaseqatigiit siullianni appaanilu aalajangersakkat taamaallaat atorneqarsinnaapput, taassuma piginneqataassutai piginneqataassutitigut aningaasaatit 10 pct.-erippatigit, taakkunanngaluunniit amerlanerullutik. Tunisoq ingerlatseqatigiiffiuppat il.il. imm. 1-imi, oqaaseqatigiit siullianni pingajuanni aalajangersakkat taamaallaat atorneqarsinnaapput, tunisineq ingerlatseqatigiiffinnut ingerlatseqatigiiffissuarnut qilersorsimasunut attuumassuteqarp, taamaattorli ingerlatseqatigiiffinni tamani pignneqataassutitigut aningaasaatini piginneqataassutit ingerlatseqatigiiffimmi ataatsimi 10 pct.-iuppata ingerlatseqatigiiffiit ingerlatseqatigiiffissuarnut qilersorsimasut pineqartutut isigineqassapput. |*

*Imm. 3. Imm. 1-imi aalajangersagaq aamma taamaallaat atorneqassaaq tunisineq ingerlatseqatigiiffimmut tunisinerup nalaani inuussutissarsiutitigut ingerlatsinerminik unitsitsisimanermigut amerlanertigut aningaasaqarnermigut ulorianartorsiunngitsutut ingerlasumut attuumassuteqarp.*

*Imm. 4. Akisunaarisoqarsimasutut isigineqassaaq aningaasaatit ilaannut akiliutit ingerlatseqatigiiffiup tunineqarnermi nalaani ilanngaatissat ilanngaatigereerlugit nalinganit erseqqissumik amerlaneruppata.*

*Imm. 5. Ingerlatseqatigiiffiup aningaasaataasa ilaannik tunisineq pilersinnagu Akileraartarnermi Pisortaqarfik imm. 1 tunngavigalugu akiliinissamut akisussaatitsisinnaaneq atorneqassanngitsoq akuersissutigineqassasoq neriorsuuteqarsinnaavoq. Taamatut neriorsuuteqarnermi piumasarineqarsinnaavoq ingerlatseqatigiiffiup tunineqarnerata nalaani akileraarutinut akitsuutinullu*

akiligassaasa akiligassarisinnaasaasaluunniit akilerneqarnissaannut tamakkiisumik ilaannakortumilluunniit qularnaveeqqusiiisoqassasoq. Imm. 1-imi oqaaseqatigiinni kingullerni taaneqartutut siunnersuisuusimasoq akiliinissamut akisussaassutsiminit tunuarsinnaavoq tunisineq sioqqullugu allakkatigut qinnuteqaruni akuerineqarnissamik neriorsorneqarnissaminik, qinnuteqaatinini tunisinissamik pilersaarutigineqartoq pillugu paasissutissanik pisariaqartunik ilaqtillugu. Akuerineqarnissamik neriorsuutaasinnaasoq tassungalu atatillugu piumasaqaataasinnaasut pillugit Akileraartarnermi Pisortaqarfíup aalajangiinera naliliinissamut paasissutissat pisariaqartut tiguneqarneriniit qaammatit pingasut qaangiutsinnagit pereersimassaaq.

*Imm. 6.* Akuersissuteqarnissamik neriorsuuteqarnermi periusaasartussaq pillugu Naalakkersuisut malittarisassanik erseqqinnerusunik aalajangersaasinnaapput. Naammagittaalliertunit, matumani aalajangiinerit pisortatigoortumik oqartussaasunut allanut ingerlateqqinnejarsinnaanngjineri ilanngullugit, pillugit Naalakkersuisut malittarisassanik alajangersaasinnaapputtaaq.

## § 2

Inatsisartut inatsisaat manna ingerlaannartumik atortuulersinnejarpooq.

*Imm. 2.* § 1, nr. 1, 2 aamma 4 ukiup aningaasarsiorfíup 1995-ip aallartinneraniit atortuulersinnejassapput.

*Imm. 3.* § 1, nr. 3, 5, 6, 7 aamma 8 inatsisisstatut siunnersuutip saqqummiunnejarnneraniit atortuulersinnejassapput.

*Imm 4.* § 1, nr. 3 naapertorlugu erniat ikinnerpaaffissaat 1. januar 1995 sioqqullugu 5 procentiuvoq.

*Namminersornerullutik Oqartussat, 3. november 1994*

Lars Emil Johansen

/

Emil Abelsen

---

Inatsissatut siunnersuut saqqummiunnejarpooq siullermeerlugulu oqaluuserineqarluni ullormi 4. oktober 1994-imi, taamaasilluni § 1, nr. 3, 5, 6, 7 aamma 8 ullormit tassanngaaniit atortuulersinnejarlutik, takuuk § 2, imm. 3.